


ЧИТАЙ!

... Написавъ: ИВАНЪ, старый кураторъ. ...

Цѣна 20 филлировъ.



#.73 ✓

УНГВАРЬ, 1918.

Друкарня Акціонного Товариства „Уніо“.

Книжочки для народа.

Товариство наше издае поучительнѣ книжочки для народа, котрѣ може у насъ хотѣ кто достати.

Дотеперь появились :

Число 1.	ФАБИОЛА, историчный разсказъ изъ першихъ вѣковъ христіанской церкви. А. Волошинъ	50 фил.
Число 2.	НАША ПРАВДА, толкованіе годовнѣйшихъ истинъ вѣры. Д-ръ Г. Шуба	40 фил.
Число 3.	ПАНТЕЛЕЙМОНЪ, о частомъ причащеніи и о соединеніи Церквей, по Грестову А. Япковичъ	40 фил.
Число 4.	ВОРОЖБА або НЕ ПРОТИВСЯ НАУЦѢ! Правдива исторія. По Б. Л. переписавъ Ивановичъ	40 фил.
Число 5.	НАШЪ СТРАШНЫЙ ВОРОГЪ. Написавъ Авг. Волошинъ	70 фил.

Давнѣйшѣ изданія :

Животъ Святыхъ. Съ образами. Викторъ Желтвай	—50
Исторія Угорщины. Евгенийъ Фенцикъ	—80
Литургика. Евгенийъ Фенцикъ	—40
Канонъ и пѣсни Свѣтлаго Воскресенія	—12
Совѣты изъ Садоводства. Емилианъ Левканичъ	—20
Наука пчоларства. Михаилъ Радомскій	—30
О земледѣльствѣ. Іоаннъ Мигалка	—20
Праздники нашего обряда. Авг. Волошинъ	—20
Пѣсни св. Николая	—12
Св. Кириллъ и Меоодій	1.20
Покровъ Пр. Дѣвы Богородицы. Др. Вас. Гаджега	—12
Колядки	—20
Св. Асаназіи Великій. Др. Вас. Гаджега	—20
Пять рѣчи вѣры. О. Августинъ Волошинъ	1.24
Пѣсни Богородицы	—12
Пѣсни на Покровы	—12
Разговоръ о 7 Тайнахъ	—16
Вифлеемскія игры	—30
Параклисъ	—12
Размышленія для молодыхъ. О. Павелъ Бѣгунъ	—30
Библія съ образами	1.20
Три царства природы	—60
Географія	—40
Физика	—80
Коротка граматика и ариметика	—60
Робинзонъ	—40
Геновеа	—40
Христофоръ Колумбъ	—40
Арпадъ основатель отечества	—40

Адресъ :

Unio könyvnyomda Ungvár, Széchenyi-tér 10. szám.



Слово ко угро-русинамъ.

Написавъ: О. Никифоръ Гебей, бобувскій душпастырь.

Десѣ-колись, и не онѣ такъ давно то славный, то богатый, то витязный бывъ нашъ угро-русскій народъ! Если бы вставъ изъ гроба нашъ славный князь Раковцій, много бы говоривъ за свой „найвѣрнѣйшій народъ“, бо наши предки тамъ воевали тысячами а тысячами межи куруцами во Раковціовомъ таборѣ . . . Вьедно были въ часу долѣ и недолѣ со мадярами.

Тадъ и 48. годъ не дуже давно былъ. — Любили свободу, жертвовали своѣ маетки, животъ за свободу, за самостоиность своей дорогой Угорской краины; мали честь, мали славу во Угорщинѣ, а во мадярахъ вѣрныхъ, товаришовъ. — А днесъ?! — Дѣло ся обернуло. Нашъ народъ ставъ неумѣтнымъ, отъ школы боится, изъ сего произошло: худобство, а по сему вновъ во руки „домашнимъ“ врагамъ, котрѣ пискаломъ въ руцѣ, порожньовъ бесаговъ на плечахъ спускаются — и днесъ — на верещанскій чиненикъ, и то паленковъ, то со позычками на

безликный пожедь, то со инымъ, но не зо-
всѣмъ чистымъ способомъ мало-помали
утягли землю, корову, овцы отъ угро-русина,
и на концѣ сякъ изнищенный народъ почавъ
подаватися на науку „злюбивыхъ“ учи-
телей, какъ О. Кабалюкъ, котрѣ сѣмъ-
тамъ въ доты чисту пшеницу почали за-
сѣвати кокуль „православія“ и дакотрыхъ
поколебали въ любви своей вѣры и
отечества.

Правда, же тыхъ, котрѣ почали перехо-
дити на эту „нову науки“ о истинности еей
науки увѣряла красно-рѣчіе звука круглень-
кихъ жовтыхъ рублей. — Богу хвала, нашъ
народъ стоитъ уже днесъ, далеко отъ сего
искушенія отцы и сыны держать дома про-
повѣдь о „православной вѣры . . .“

Сеся свѣтова война, котра уже четири
роки палить своимъ неугасаемымъ огнемъ
цѣлый свѣтъ, научпла насъ на тоту правду,
же мы — угро-русине, — такъ, якъ нашѣ
брата: мадяре, — на широкомъ свѣтѣ не
маеме дуже близку родину. — Добрѣ поро-
зумѣйме, мы между славянскими народами
истинного брата не маеме. Велико-русы,
мало-росы, бѣло-русы, украинцѣ, чехи, по-
ляки, сербы, горваты, болгары, словаки, и
т. д. суть народы, або народности, котрыхъ
письмо, бесѣду мы нерозумѣеме, котрѣ иніи
обычаѣ, иншу натуру, ину ношу мають, —
и се лемъ дись-якось далека дѣла насъ ро-

дина, якъ родакъ одинъ славянскій народъ другому: горвать кажѣмъ украинцеви. — Одныхъ токмо душевныхъ братьовъ маеме, и то мадяре, со котрыма десять разъ сто роковъ живеме вѣдно, дѣлиме ся въ гораздѣ и бѣдѣ. — Братя мы со мадярами, бо подѣ войводмѣ Арпадомѣ вѣдно есме завоевали эту краину, богату нашу красну, братя мы, бо одной мы матери дѣти: угорскоѣ землѣ; братя мы, бо одна земля воспитаетъ, кохаетъ, одѣваетъ, грѣетъ насъ: угорска земся; братя мы съ мадярами, бо по смерти одна земля запираетъ на свое материнное лоно, и то мадярска земля; и каждый зъ меже насъ тутъ, де живѣ, тутъ во мадярской земли хоче и по смерти спочивати, для насъ другіи, славянскіи краѣ суть чужѣ . . . Про сесе наша народность называется: угро-русска, котрѣ двѣ слова чисто, разумительно научають насъ, же мы не москалѣ, не украинцѣ, не чехи, не словаки, но по русски говорячіи угры, т. е. мадяре.

Теперь, коли сесе война такъ много перемѣнки принесла на землю, и мы малопомалы маемеса перемѣнити: изъ своего больше, якъ двасто лѣтного сна пробудитися.

Треба и найважнѣйшее дѣло для насъ любити Бога а дальше; кто любитъ Бога, тотъ честуетъ и своего царя,

тотъ прилѣпляется крѣпко до своей краины, — отечества. И въ сей войнѣ — се гордо исповѣмъ, нашъ угро-русскій народъ прославился во любви ко Богу, ко своему пресвѣтлому царю и ко своему родимому отечеству: Угорщинѣ! Ибо бороняли вѣру, царя, краину тысячѣ и тысячѣ проливали свою кровь прияли витязну смерть на бойновомъ поли, и днесъ до истинности сей любви сомнѣніе не достыкается! И сіе достояніе приношаетъ насъ до той славы, котру нашѣ предки мали во временахъ славного князя нашего Раковція.

Но же бы мы могли ступу-шагу держати съ другима народами въ животѣ народовъ, треба, же бы'сме приобрѣли себѣ самостойность материальну, инакше, же бы'сме стали богатѣйшыма. Се можно досягнути наукою, просвѣтою. Одинъ народъ станесе просвѣщеннымъ тогда, если має достъ школъ, где научится букву, письмо, ряхунки и иншіи полезнѣ науки, и потомъ можетъ разумно читати всѣ письма, новинки, книги, котрѣ для него выдаваются, и изъ этого читаня такъ мае духовный и тѣлесный хосенъ. Духовный хосенъ, бо кто мае въ рукахъ доброе письмо, тотъ въ читаню радость найде, радуется той новой науцѣ, котру приобрѣваетъ изъ письма, и его духъ въ просвѣщеніи розширяется; тѣлесна же польза въ томъ есть, же ревного читателя письмо научаетъ на тѣ спѣхи, средства матеріалнѣ и умственнѣ съ котрыма чимъ лѣпше и чимъ легше можетъ перевести свой животъ въ новостяхъ свѣта съ прагше ихъ до своей работы. Еднимъ словомъ: новѣ письма науча-

ють каждого читателя, же какъ треба жити во новомъ свѣтѣ!

Ету двойну цѣль имѣли передъ очима почтеннѣ издателѣ и сороботники нашоѣ „Науки“, и эту цѣль мають намѣрніе служити и досягнути всѣ изданія, на угро-рускомъ языцѣ друкованѣ письма, которіи до днесъ въ Унгварѣ явились и по сему явля-

Просвѣщеннѣ, ученѣ народы стаются богатыми. Ученый человекъ бо скоро порозумѣеть то же во соединеніи есть сила. Одно стебло прядива — слабое, и дѣтина перерве его, но изъ много стебелъ прядива друганый мотузъ и волы не могутъ перервати. Изъ сего то происходитъ, же и мы, если хочеме мощными быти, собираймесь до купы. По новтарышескихъ округахъ складайме грошѣ на акційнѣ банки, (Hitelszövetkezet) же бы'сьме неплатили за своими позычками въ жидувскій банкъ страшно велѣкѣ нужды (интереса), и коли нужду маеме на позычку, обы намъ не треба парху въ руку цѣловати, же бы намъ грошей позычивъ.

Дале три-четыри села най складають грошей на акційный склепъ (бовтъ), де вшытко доброе и дешевое (туньое), и де вшытко продають што лемъ потребно есть сѣльскому человеку. Сякъ освободимесь отъ своихъ „домашнихъ вороговъ“, котріи тамъ насъ окламлю, окривдять де лемъ могутъ.

На конецъ же, каждое село да мае свою читальню. На се доброе мѣсто школа. Тѣмъ у яри, осени и зимѣ, коли вечера довги, можно ся изыйти, вѣ лѣтѣ во недѣлю и свято по вечерни, и котрѣ знаютъ читати, тоты прочитають и потолкуютъ писаня и

тымъ, котрѣ лемъ „чорно по бѣлому“ видять на папери. — Симъ многіи, котрѣ и угорскій языкъ знають, тоты годни и мадярскіи добрыя христіанскія новинки читати и потолковати.

Не шкодуйте нигда грошѣ выдати за новинку христіанску и за другіи про вашего просвѣщенія выданѣ письма, — бо сесѣ на много доброго и полезнаго научють васъ, а днесъ неукій человекъ въ повени свѣтоваго живота понурить — якъ каминь во водѣ.

Сякъ, скоро станетеся истинными потомками тымъ вашимъ славнымъ предкамъ котрѣ великого Раковція такъ вѣрно служили, и учинитеся достойными на истинну, полну, щиру любовь вашихъ братьовъ: мадяровъ.

Мамко моя...

Мамко моя солодецька
Давно 'мь ты не видѣвъ,
Давно съ тобовъ не говоривъ
А въ кертѣ не сидѣвъ.

Давно вже ты я не вижу
А чи мого села,
Отъ коли ня у катуны
Страшна война вдовела.

Я одыйшовъ у катуны,
Ты ся обстала дома:
Горкѣ слезы проливати
Стара, смутна вдова.

Тяжкѣ были твои лѣта
Со мною и безъ мене,

Радость твоя мамко моя
Коли ся наверне?

Черезъ днину, черезъ всю ночь
Съ плачемъ ся молила:
Обы обстала у животѣ
О, твоя дѣтина.

Мамко моя миленькая
Богъ тебе услышивъ:
Отъ всего зла, тай отъ смерти
Мене захоронивъ.

Изъ катуны я пришовъ дому,
Но не вижу тебе,
Повѣчь менѣ: путь за тобовъ
Куда, куда веде?

Болить сердце, горько плачу,
Глядаю ты всюды,
Мамко моя дорогая
Повѣчь менѣ де ты?

Всюды тихо, ничь не чути,
Бо ты вже у гробѣ,
Тамъ иду я и на колѣнахъ
Такъ говорю къ тобѣ:

— Дьякую ти мамко моя
За твою доброту,
За велику твою любовь,
За молитву къ Богу.

Много, много дьякую ти,
Вѣчна моя хвала,
Что ты мене такъ тяженько
Хлопомъ выховала.

Милно прошу Бога, Отца
И буду просити:
Мамко! грѣхи кеь ихъ маешь
Тобѣ отпустити.

За велику твою болѣзнь,
За тяготы земнѣ,
Дай ти Боже благій покой
И радости небеснѣ!

Лишаю ты мила мамко,
Съ Богомъ ся заставай
А за мене, за сироту
И дале Бога въ молай.

Лишаю ты мила мамко
Будь счастлива у Бога,
Я мушу ити хотѣ предъ омновѣ
Тернова дорога.

О Боже мой услыши мя
Смутную сироту,
Дай что прошу и свою ласку
Ко моему животу!

Исидоръ Бѣланъ.

Сварливость мужа съ женою.

Единъ человекъ мавъ до всякаго дѣла прилѣжную жону, котра до ней принадлежащее дѣло порядочно и точно кончила, а къ сему якъ мати семейству домовый рядъ — разумно отправляла; но понеже мужъ еѣ лѣнивый человекъ бывъ, зато все наказовала и возбуждала его къ дѣланію и скорости, но мужъ еѣ все сварився и вадився съ нею.

Разъ мужу потреба было съ слугою выйти на поле орати наярину, но онъ зачавъ сваритися съ женою, что она ничего не дѣлае, токмо сидить въ комнатѣ, и такую роботу робить, котра ничего не стоитъ. Жена подумавши начала утихомиряти и разумно рассказовати мужу, что, якъ то подлое и не красное дѣло сваритися

когда бы до работы иматься; — можно сему и инакъ помочи: я пойду съ слугою на поле орати, а ты останься дома, и мою женскую работу кончи; — днесь потреба муку просѣяти и хлѣба напечи, дѣти обы не голоднѣ, телята нагодовзти, клоку (квочку) съ пѣтятами зазирати дабы ястрѣбъ не имѣвъ, и во одномъ горчку (збанку) сметану на масло избѣити (сколотити.)

Мужъ на сіе приставъ, бо то ему легкимъ видѣлося, но понеже все то невеликимъ дѣломъ думавъ, порадовался что мае часъ еще и выспатися, а потому скончить то. Лягъ онъ и заснувъ. Пробудится, подивится на небо, а солнце уже по полудню видиться; стане и подумаетъ, что за дѣло мае кончити, туй погадае — а то не великое дѣло, еще маю часъ, теперъ пойду до „Ицка“ и одну порцію выпю, и такъ работа май буде споритися. Пошовъ до корчмы и тамъ еще ставъ съ „Ицкомъ“ розмовляти и приказовати, что онъ за легку роботу мае днесъ, еще ничъ неробивъ но спавъ, а зато все оставленное ему на вечеръ скончить. На коли скончилъ бесѣду, уже солнце къ вечеру далось. Опомянувся и пошовъ дому, думаетъ до какой работы бы имитися. Зачавъ ряховати колько мае скончити, головы имилъ.

Туй дѣти плачуть, ѣли бы, тыхъ погодуетъ и почне муку сѣяти. Айбо додумаеся, что е горнецъ сметаны (сѣливки) на масло колотити, онъ якъ перша газдына, а мало и припоздився, подумавъ что добре и май скоро буде ему дѣло течи, ажъ горнецъ съ сметаною пріяже себѣ съ заду до дрѣка (туловища), бо и такъ коли сѣе розганняе собою, такъ легко и масло бы готово, и мука просѣяна. То овунъ и учинивъ, привязавъ горнецъ назадъ себе и почавъ и муку сѣяти; — муку сѣе, а сметана въ горшку все розкакуеся; разъ чуетъ что на дворѣ квочка съ пѣтятами крячить, бо ястрѣбъ напавъ на нѣ. Скоро поклавъ сито и почавъ бѣчи изъ комнаты. Бѣжучи нагле зашпотився на порогъ и „дусъ“ (трѣсъ) горшкомъ въ двери, потече по нему сметана, выбижить вонъ а квочка на пуженна вылетѣла на окно,

(облакъ) залетѣла въ комнату и муку зъ корыта по земли розвѣяла, въ печи же горѣвъ огонь, дѣти туда ходячи и въ огонь гребаячи, звернули збанъ съ окропомъ и попарилися, почали ревати. Человѣкъ забѣгъ въ комнату, видитъ тамъ муку по земли, и сметану розляту, айбо тамъ и дѣти попарилися, почавъ самъ свое волоса мыкати, и нарѣкати на нерозумъ свой.

Пришла вечеромъ и жена его съ поля, зайшла до компаты головы ся имила; но мужъ поспѣшивъ и упавъ къ ногамъ жены своей, и просивъ ю, абы ему отпустила и другой разъ онъ свою токмо роботу буде точно кончити, а въ рядъ женской работы и мѣшаться не буде. По чему такъ и сталося.

Надъ рѣковъ верба...

Надъ рѣковъ верба висока,
Широко листъ пуцае.
Велика любовь, тяжка тягота
Сердечко урывае.
Чомусь не пришовъ, коли емъ ти казала?
Ци коня не мавъ
Ци дорожкусь не знавъ,
Ци мамка ти не пуцала?
И конямъ пмавъ,
И дорожку емъ знавъ,
Ай мамка ня не пуцала
Майменша сестра,
Болаб не зросла,
Сѣделце пзховала.
Майстарша сестра
Сѣделце найшла,
Коника усѣдлала:
Иди брате, иди,
Марѣчку пзъ знай,
Абы емъ лишь я знала!

Подае: Марія П. Долиная.

Вѣра и церковь.

— Слава Іиусу Христу!

— Слава на вѣки Иване!

Иванъ: Прійшовъ емъ за „Науковъ“ — бо ледва чекаю дабыхъ дашто доброго читавъ.

— Но та Иване въ Россіи между народомъ якъ грѣхи найбільше господьствуютъ у православныхъ?

Иванъ: Та прошу, злыхъ злѣ гублять! Тамъ храненіе заповѣдей божіихъ нема, народъ вѣруе у забобоны и ворожки, у баяня, якъ подагде еще и у насъ бывають, што една паршива циганка зайде съ картами по между жоны и люди, и за брѣхнѣ мѣхомъ тисне хоть чего, бо тко не ученый вѣруе пустымъ баснямъ, зачто Бога небеснаго ображаючи тяжко грѣшитъ. Лаяти и проклинати немають звычай, но ажъ достануть вудки або руму, та до темноты покують, и тогды всякѣ злѣ грѣхи сотворяють. Наибольше е тамъ крадежи и блудодѣянїя, — такъ якъ скоты валяются въ тыхъ хрѣтахъ.

Учитель: Та священники не проповѣдають и не страшать ихъ?

Иванъ: Та кому будуть проповѣдати, коли въ церкви ледва 15—20 душъ е, а даколи и только нѣтъ. А дале социалисты по улицамъ научили ихъ, што Царства и пекла нема, то выдумка; Царство е панумъ, котрѣ добре жиють, а пекло бѣднымъ, котрѣ туй горюють, — такъ конецъ ихъ вѣры.

Учитель: Та тогды неознають священное писаніе и слова Христовы, гдѣ кажетъ: „Сего немаючимаго грѣшного рода связавше верзите его въ тму кромѣшнюю, где буде плачь и скрежетъ зубовъ“ (Мафт. 26.) А дале на судѣ послѣдномъ Христось Спаситель буде казати до праведныхъ людей: „Прійдите благословеннїи Отца моего и наслѣдуйте царствіе небесное уго-

товленное вамъ отъ сложенія міра“. А до грѣшныхъ рече: „Идите отъ мене проклятіи въ огонь (пекло) вѣчный, уготованный діаволомъ и ангеломъ его“.

— И по сихъ праведнѣ пойдутъ за Христомъ до царства небесного, а грѣшнѣ въ пекло, — въ огонь вѣчный.

— Изъ сихъ словъ самага Спасителя нашего можно удостовѣрится, што во загробномъ свѣтѣ сесѣ двѣ вѣчнѣ державы або царства: Праведнымъ Царство небесное, а грѣшнымъ пекло вѣчное на вѣки держати будутъ.

— И такъ сесе не человѣческа выдумка.

Иванъ: Правду кажутъ панъ учитель, сесѣ слова самага Христа Спасителя нашего, чему намъ вѣровати потребно.

Учитель: Та якъ отъ тебе я удостовѣрився, не чудо, што Россійска велика держава такъ ся распала, коли самѣ царѣ и гордѣ паны на народъ ничъ не думали. Люде не училися, а што больше, до церкви не ходили, законы божія не слухали, и не держали, зато кара божія всѣхъ тамъ живущихъ постигла. И такъ видко, што тотъ не православный, но кривославный народъ е; мы слава Богу цѣле православнѣ есме, бо мы всему тому вѣруеме, што Спаситель насъ и церковь его св. научае.

— И такъ кто такъ Церковь не послушаетъ, той и Бога не слухаетъ, и такіи во вѣри пропаде, и тамъ ніяки соціалисты не помогутъ такому.

Іоаннъ Мигалка.



Отданіе новозданнаго Карпатскаго села Габура (Laborcső.)

Карпатскоѣ акція за 3 годы строила знищенныя дома въ Габурѣ. Построили около 100 домовъ цементовыхъ изъ смоленомъ йайомъ прикрытыхъ. Много отъ воинскихъ должностяхъ освобожденныхъ жидовъ тягали работу и теперь 15. августа передали жителямъ. На переданіе ждали графа Стеф. Тису, Епископа Стефана Новака и другихъ министеріальныхъ чиновниковъ. Но понеже уже напередъ извѣстно было, что народъ не съ радостію, но съ плачемъ будетъ отберати дома, то гостѣ не пришли. И такъ самы строителѣ передали село. До церкви на Богослуженіе всѣ работающіе должны были явиться, то полная церковь была жидами наполнена. Народъ огорченъ въ томъ, что одобрали отъ многихъ огороды, фундушы и дали другимъ. Жидамъ, котры до войны въ одномъ домѣ жили, теперь два получили. А бѣдны сироты безъ дома zostали. Сироты по лакомомъ 7 хлопцевъ малолѣтнихъ безъ дома ostали. А богачимъ жидамъ Мошкови Нейманнъ, Мошкови Сруловичъ, Лейбовичъ, Рифъ, Абрумъ и Надьмула Мендловичъ. По другой хатѣ получили. А что больше, при домѣ нѣтъ жадныхъ господарскихъ будинковъ. Нѣтъ где зерно змолотити и зложити. Новы улици поробили, котры треба камѣнчемъ засыповати, бо иначе изъ болота не выльзеть.

Якъ треба поросята годовати.

Свинѣ понеже дуже плодовитѣ, зато для корму чоловѣка дуже важный скоть. Для выживленія чоловѣка потребный смалець свинѣ дають. Но теперѣш-

номъ часомъ, коли хлѣба мало и людемъ, тяжко держати свинѣ.

Въ минувшомъ часѣ можъ свинѣ и кремъ зерна выгодовати. Луцерна, команица дуже добрый кормъ. Коли поросѣчка теперъ упорошитъ, только ой треба мало давати доброго, а доразъ гнати пасти пасти, назберати свѣжѣ буряны и скоро и малѣ пацата научатся ѣсти. Хотяй каждый господарь держитъ свинѣ, но зато не буде хибити поговорити о сей хосновитой скотины.

Свинѣ двочѣ звикли порошиться, хотяй нашѣ домашній филь мангалицу дуже добрѣ треба кормити якъ англійскій филь т. е. „йоркшири“, нато мѣрковати треба обы поросѣчка у зимѣ пацата не мала, бо отъ студени не будутъ рости, найлѣпше у сякомъ случаю межи худобовъ треба кутецъ наладити и если солнце грѣе, выгнати, бо и пацатомъ свѣтлость треба. Зато ярнѣ пацата найлѣпшѣ, бо по солнцу ходять.

Мангалица много пацать не годна выплекати, найлѣпше, если малѣ на зарѣзъ продаме. Англична поросѣчка мае 12—14 пацать, но коли три тыжднѣ, не вольно только 8 лишити, обы изъ нихъ моцнѣ, добрѣ пацата были. Не е рока, обы свинѣ не здыхали, обы свинѣ отъ хвороты сохранили першое правнло чистота.

Если пацата отлучиме, чистый, въ сухій кутецъ заперайме и много най ходять на дворѣ, бо солнце животитъ сторѣня. У лѣтушномъ часѣ свинѣ такъ не здыхають, бо по чистомъ воздухѣ ходять.

Теперь колько дикѣ овочу е, не треба сановати часъ и назберати по деницѣ и поварити. Свинѣ е тое створѣня, что не выбираетъ въ яденію, отъ насъ зависить, обы свинѣ нашѣ скоро росли и для зарѣзаня способнѣ были.

Иванъ Лоцуга.



Кухарство.

МЕДЮНИКЪ. Полъ литеръ меду дуже сколотиме, изъ кавейовъ ложку бровзовъ (совда) 6 яйцами цѣлковыми. Якъ уже читаво розколотились, тогда 12 ложокъ муки пшеничною (ажъ бы и не дуже бѣла) докладеме и съ муковъ еще дуже уколотиме и испечеме. Довго постоить и прото дуже способное воякамъ у пакункахъ слати.

ОЦЕТЪ ИЗЪ МЕДА. 3 литры воды подпарѣмъ и коли уже лишъ лѣтетла вода, высыпме полъ литеръ меду у единъ чистый горницъ або у велику склянку, высыпме на медъ 3 литры лѣтетлой воды и только грѣненого хлѣба, ги по долонь тоненькій рѣзень. На тепломъ мѣстѣ за мѣсяцъ треба держати и тогда уже квасный оцетъ. Чимъ найдалше стоить, тымъ найкваснѣйшый.

Подае : Марія П. Долинай.

Анекдоты.

СВОБОДНА ВОЛЯ.

Профессоръ (до ученика): Кажи лишъ менѣ Стефане, ци мае чоловѣкъ свободну волю?

Стефанъ: Не мае.

Профессоръ: О, ты глупый! Ба чому бы не мавъ?

Стефанъ: Бо кедь няньо хотять до корчми ити, мати го не пустять.

ЖИДОВСКОЕ СПРЯЖЕНИЕ.

Я: Въ канцеларнѣ.

Ты: Фелментованый.

Онъ: Въ тринахъ.

Мы: Въ баракахъ.

Вы: На бангофѣ (коло штаціи.)

Они: Въ шпиталѣ (айбо хвала Богу не хворѣ).

Kiadó az „Unio Könyvnyomda Részvénytársaság“ nevében :
SZEMÁN ISTVÁN, igazgató.

Книгопечатня „Акціонного Товариства Уніо“ въ Унгварѣ 1918.